




Vuostasj viehke surggobále

Mij la vuostasj viehke surggobále?


Ij aktak ulmusj galga dárbahit aktu surggat. Dan diehti la Vuona girikko ájádusájt ja oajvvadásájt tjoahkkim ma midjij guojmmeulmutjijda álkkebun dahki gávnnut doarjjon sunji guhti surggá. Surgov ij máhte divvot, valla gá dav juogat de buorebut dav gierddá. Girikko la guhkijt juo surgulattjajt huksam ja doarjjum. Oajvvadásá dánna li ájgodum vuostasj viehken, vuostasj ájge, gá jábmem duosstu.

Gájkka surgo li sierralágátja ja duohtavuoda jalik bagádusá e gávnnu. Vájbi danen aj náv álos jiebbi ietjá ulmutjij surgguj oassálasstet. Dáj oajvvadásájt Vuona girikko doajvuu álobu dábdduji jaskadabbon ja li ienep gárvvása, vaj aktak ij aktu surgguj bátse.



Válde aktijvuodav

Ij galga surgulattja duogen aktijvuodav válldet. Ep muojon lulu javllat "skuolkasta munji jus la juoga, mån lav dánna" dan diehti gá surgulasj vájbi ij nagá árrat sán gut ietjas gullen dahká. De buorep la jus javllap "Skuolkastav dunji dijstagá vaden, vássteda jus nagá". Muhttijn ij vássteda ja árrus de návti, surgulasj ij agev nagá vásstedit, valla máhttep de vaden ja vaden skuolkkat.



Boarkki sjávodisvuodav

Muhtema dábdidi lássát la guládit guojmmeulmutjij gut surggá. Majt javlav? Na jus ber sjávvun jali tjerrogohtá? Valla ájnnaamos ij la mejt javllap ájnat jut sjávodisvuodav boarkkip. Ja muhttijn la sms:a buorep tjoavdos telefávnás dajna gá álkkebut tjállá ja vásstet.



Vatte sajev

Soajttá moaddása avta bále soarjijji sáemmi ulmutja badjel. Ulmutja gudi li lagámusáv láchppám li ietjasa sierra láchkáj tjanádum dan ulmutjij gut dálla la gáhtum. Surggo ij la sáemmi lágásj ulmutjis ulmutjij. Ájnas la mij adnep surgulattjav guovddelin vaj ep iehtjama mujtoj ja dábdotjij suv duoppeda. Hæhttup mujttet surgulattja dábdotjij vuostatjijin biedjat, makkára ájn li. Mijá ájádusá ja giehto li diedon aj ájnna – valla ælla ájnnaabmusá.



Álgada

Oajvvada állu dábálasj dájnav. Gáhtjo káffaj, gæhttje filmav jali návká váttatjijhte. Álos gudi li surggamin áhtsáli báratjav ja ieme viessomav surgo sinna. Usjudalá sán gev bivddi ihkap vuornnu boahtemis ja dat la dáhkidahte, ájnnaamos la mij gatjádip – ja jut vat duosstap gatjádip.



Vuosedá lahkavuodav

Álos mijás balli ilá lahka nággit ja álu hæjttá dan láchkáj vaj ep ávvá guláda. Soajttá návti ussjolip surgulasj dárbaj ráfev jali vuorddep gullumis vehik desik "væramus la vássám". Ájnas la mij tjelggasit vuosedip mij danna gávnnup vaj surgulasj ij ietjas dábdá álggolín jali ebda-lussjen.



Liege gierddis

Juohkka surgulattjan la ietjas surggo, mav mij vierttip dádjadit ja gierddat. Máhttá sjaddat návti vaj mij gæhttalip surgov ierijt jaskadahttet jali vájbbap gá ij suono. Surgon ij la "buoremusávd-dálabiejvve" ja ij gávnnu vissa ájge surggat. Muhtem ájádusájt dárbaj gærddodit, soabmásjda soajttá liehket ájnas oasse surgov dádjadimes ja bargadimes.

